



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU NAŠE STRANKE

Broj: 03-07-6-1553/09
Sarajevo, 16. aprila 2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Naše stranke i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Naša stranka je prekršila odredbe člana 6. i člana 11. stav (1) Zakona o finansiranju političkih stranaka.**
- 2. Stranka je prekršila odredbe člana 11. stav (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.**

Na osnovu našeg pregleda, odnosno kontrole finansijskog izvještaja, osim gornjih napomena pod 1. i 2., nismo zapazili ništa značajno što bi ukazalo na nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Naše stranke i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Naša stranka je iskazala prihode u iznosu od 99.019,74 KM¹, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	6.428,08	6,49%
2	Prilozi fizičkih lica	31.531,52	31,84%
3	Prilozi pravnih lica	11.000,00	11,11%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	50.060,14	50,56%
	Ostali prihodi		0,00%
	Ukupni prihodi:	99.019,74	100,00%

U godišnjem finansijskom izvještaju Naša stranka je iskazala ukupne rashode u iznosu 179.505,38 KM².

2. PREDSTAVLJANJE POLITIČKE STRANKE

Naziv političke stranke: Naša stranka. Skraćeni naziv stranke je NS.

Naša stranka je registrovana pod brojem: 065-0-Reg-08-001257 od 21.04.2008. godine, kod Općinskog suda u Sarajevu.

Sjedište političke stranke je u Sarajevu, ulica Jezero br. 8.

Za zastupanje stranke ovlašteni su Bojan Bajić, predsjednik i Fadil Šero, generalni sekretar.

Lice ovlašteno za podnošenje finansijskih izvještaja za 2008. godinu je Milena Božić.

Prema podacima iz godišnjeg finansijskog izvještaja za 2008. godinu, organizacionu strukturu Naše stranke čine:

- Glavni ured Sarajevo,
- Gradski odbor Banjaluka, i

¹ Podaci sa ispravljenog obrasca 3 (ukupni prihodi) koji je dostavljen dana 18.03.2010. godine.

² Podaci sa ispravljenog obrasca 4 (ukupni rashodi) koji je dostavljen dana 18.03.2010. godine.

- 8 opštinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole su godišnji finansijski izvještaj Naše stranke za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Naša stranka u izvještajnom periodu postupala u skladu sa odredbama Zakona o finansiranju političkih stranaka i člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka

Obim pregleda i kontrole finansijskih izvještaja Naše stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, prihode iz budžeta i troškove predizborne kampanje.

4. PRETHODNE KONTROLE I REVIZIJE

Kontrola se obavlja prvi put.

5. NALAZI I PREPORUKE

5.1. NALAZI

a) Stranka je prekršila odredbe člana 6. Zakona o finansiranju političkih stranaka.

Pregledom je utvrđeno da stranka nije u godišnjem finansijskom izvještaju prijavila prilog pravnog lica u iznosu od 300,00 KM, čime je prekršila odredbe člana 6. Zakona o finansiranju političkih stranaka i člana 15. Pravilnika o godišnjim finansijskim izvještajima političkih stranaka.

b) Na osnovu obavljene kontrole, utvrđeno je da je Naša stranka prekršila odredbe člana 11. stav (1) i stav (3) Zakona o finansiranju političkih stranaka.

Obzirom da stranka nije u svojim poslovnim knjigama evidentirala promet ostvaren putem transakcijskih računa pojedinih odbora i nije evidentirala sve prihode i rashode, prekršene su odredbe člana 11. stav (1) Zakona o finansiranju političkih stranaka.

Na osnovu izvršene kontrole, utvrđeno je da Naša stranka obrasce godišnjeg finansijskog izvještaja nije popunila u skladu sa odredbama Pravilnika o godišnjim finansijskim izvještajima političkih stranaka, čime je prekršila odredbe člana 11. stav (3) Zakona o finansiranju političkih stranaka. Naša stranka nije iskazala troškove zakupa poslovnih prostorija posebno za svaki odbor stranke, nego je

najveći dio troškova zakupa iskazala u obrascu 4-1 Glavnog ureda stranke Sarajevo. Takođe, veći dio prihoda od članarine stranka je iskazala u obrascu priloga fizičkih lica.

Troškovi predizborne kampanje

Naša stranka je postupila u skladu sa odredbama člana 15.10. Izbornog zakona BiH, odnosno u svrhu predizborne kampanje je potrošila 82.264,64 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Naša stranka je u svrhu izborne kampanje mogla da potroši 677.952,90 KM.

5.2. PREPORUKE

Preporučuje se Našoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 6. i člana 11. stav (1) i stav (3) Zakona o finansiranju političkih stranaka i to:*
 - *da u finansijskom izvještaju prijavljuje sve priloge iznad 100 KM,*
 - *da uspostavi odgovarajuće evidencije o svojim prihodima i rashodima, i*
 - *da finansijske izvještaje koje podnosi Centralnoj izornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka, a posebno da članarine odvaja od priloga fizičkih lica.*

- *da ustroji adekvatne knjigovodstvene evidencije, kao pretpostavku za pravilno finansijsko izvještavanje.*

KOMENTAR:

U ostavljenom roku, Naša stranka je dostavila ispravljene obrasce godišnjeg finansijskog izvještaj za 2008. godinu. Stranka je djelimično otklonila nedostatke u finansijskom izvještaju, što je Služba za reviziju uvažila i ugradila u Izvještaj o pregledu godišnjeg finansijskog izvještaja za 2008. godinu.

Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora

³ Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.